



925001 -

- 925102

Mag. St. Dr.

III



*Copia Responsoriarum S. R. M. Poloniae  
Ad Serenissimum Electorem Brandeburgicum.*

**Augustus II. Dei Gratiâ Rex**  
Poloniae, Magnus Dux Lithuaniae,  
Russiae, Prussiae, Masoviae, Samogitiae, Kijoviae,  
Volhyniae, Podoliae, Podlachiae, Livoniae, Smo-  
lensciae, Severiae, Czerniechoviaeq; nec non Hæ-  
reditarius Saxoniae, Juliae, Cliviae, Montium,  
Angriae & Westphaliae Dux. S. R. I. Archima-  
reschallus & Elector, Landgravius Thuringiae,  
Marchio Misniae, nec non Superioris ac Inferio-  
ris Lusaciae, Burgravius Magdeburgensis, Co-  
mes Princeps Hennebergensis, Comes Marcæ,  
Ravensbergæ & Bartij, Dominus in Ravenstein.  
Serenissimo Principi Domino Friderico Tertio  
Marchioni Brandeburgensi S. R. I. Archicame-  
rario & Electori in Prussia Magdeburgi Stetini,  
Pomeraniae, Cassubiorum, Vandalorumq; nec  
non in Silesia Crosnæ, Duci, Burgravio No-  
rimbergensi, Principi Halberstadij, Mindæ &  
Camini, Comiti de Hohen, Zolleren Domino  
in Lavenburg & Bittaw, Fratri & Cognato No-  
stro Charissimo, salutem & continuum felicitatis  
incrementum.

*Serenissime Frater, & Cognate Charissime.*

**I**teræ Serenitatis Vestræ die 17. elapsi,  
multò magis nunquam sperata Civitatis nostræ  
Regiæ Elbingensis aggressio, merebantur, an-  
tequam responderemus, Senatus-Consultum. quo illico  
huc convocato, atque intra hosce dies expedito, quid  
aliud

925038

III



aliud respondere possumus, quàm quòd Vniuersi stu-  
peant, Serenitatem Vestram rem attentasse, etiam Po-  
steritati non credendam. Fateri & ipsam quadragin-  
ta & ultra annorum exsuscitasse emortuam, imò tot  
tantisque Reipublicæ prætensionibus sepultam Hypo-  
thecam, tam crudis, prius ex insidijs, mox apertis ar-  
mis, ut quasi nunquam æternum, pro remisso Vasallagio  
concessum, cum Republica habuisset Fædus; hostium lo-  
co suorum hostes Reipublicæ reputatura, ipsa infestas Co-  
pias innocuæ Vrbi admovit, eandemq; vi in suam dedi-  
tionem coëgit. Ius hoc, quod Serenitas Vestra scripto  
suo typis vulgato solenne vult facere, utiq; melius notum  
fuisse gloriosæ Memorix Magno Parenti Suo, tanquam  
primo Quæsitore, & tamen nunquam ausum quidquam  
simile præsentis Casui, imò maluisse illum Brunsbergam  
& Fravenburgum loco non traditæ Elbingæ, ut prætende-  
rat ex Pactis Velaviensibus, possessas evacuare ac restituere  
in manus Reipublicæ, quàm primo illi actui ( qui procul  
dubio magnis suberat Protestantium in Republica diffi-  
cultatibus ) tradendæ sibi Supremiatis in Prussiam dero-  
gare. Fuisse posthac toties ab eodem & Serenitate Ve-  
stra super memoratis Pactis repetita Iuramenta, & qui-  
dem ægrè ex parte Reipublicæ, nolente Michæele, recu-  
sante ultimariè per aliquot dies Ioanne Tertio Serenissi-  
mis Divæ Memorix Prædecessoribus Nostreis, ob validas  
atq; gravissimas Reipublicæ prætensiones; & cur non eo  
potius tempore suspensis Iuramentis opponenda erat ista  
prætentio? cur non saltem aliqua ante immediatum nuper  
nobiscum super iisdem iuramentum, injecta mentio? præ-  
sertim cum Ministri à nobis designati distinctè satis ad  
prætensiones quasdam, in scripto desiderarunt responsum,  
nec obtinuerunt à Ministris Serenitatis Vestræ. Nunc  
quis crederet, dum Respublica cum hoste Christianorum  
communi, cruento implicita ac distenta bello, turbari il-  
lam ac vexari à tali Principe, qui bona malaq; eius pro  
suis proprijs habere æterno Fædere ac Iure jurando obli-  
gatus erat? Deniq; si omnes circumstantiæ acerbissimæ,  
rei



rei gestæ anteriores revocandæ forent, factum hoc nemi-  
ni placitum iri, nisi hostibus, cum quibus bellum atrox  
& tam longum gerimus; hanc enim turbatam ac viola-  
tam Reipublicæ à Fæderato Principe securitatem, illis so-  
lis gaudio futuram, qui Nos undiq; & Patriam angustia-  
tam cuperent. Hæc non alio fine Serenitati Vestræ o-  
mni fiducia insinuanda censuimus, quàm ut intelligere  
velit, ipsam excessisse metas debiti sui erga Rempublicam  
hanc, cujus summa semper in Domum ejus Vniverso te-  
ste Orbe exstiterè beneficia; impegisse contra perpetui  
Fæderis Pacta, Iureq; suo ex ijs cecidisse; talemq; ausum  
non modò ad intima usq; Patriæ hujus penetrasse, sed No-  
strum quoq; honorem ad prima Regni auspicia sine omni  
præmissa amicabili requisitione extremè pupugisse, adeo-  
que cunctos desiderare, ut casum istum summopere Rei-  
publicæ ac præprimis Nobis gravem Serenitas Vestra  
quantociùs redintegrandum, immediatumq; statum Ci-  
vitati restituendum curet & annitatur; vel si id minimè  
libuerit, saltem nullius offensæ ac hostilitatis loco sit ac-  
ceptura, si justa tantæ læsioni reparatio quæri ac mini-  
strari omnino non intermittatur. De reliquo Serenitati  
Vestræ bonam valetudinem intra prosperos Fæderum,  
amicitiarumq; successus precamur. Dabantur in Regia  
Varfaviæ die X V I I. Mensis Novembris Anno Domini  
M. DC. XCVIII. Regni verò Nostri I I.



mu  
ku  
wey  
nap  
prz  
z ni  
fzy  
Sen  
wie  
z bi  
tká  
Kro  
pos  
Sen  
plan  
re g  
Zal  
Wi  
włk  
fze  
PP.  
dem  
oso  
Kro  
Sen  
W  
rák  
mi  
cho  
mie  
W  
nak  
ner  
z B  
ko  
Ber  
Po  
wfo  
od  
lám  
Pto  
pel  
ley



